

ՆԱՅԿԱԿԱՆ ՆԱՐՅԻՆ ԱՂԵՐՍՎՈՂ ՆԻԿՈՂԱՅՈՍ ԱՂՈՆՑԻ ՆՈՐԱՏԱՅՑ ՆԱՄԱԿՆԵՐԸ

Ականավոր հայագետ եւ բյուզանդագետ Նիկողայոս Ադոնցի (1871-1942) բազմաբնույթ գիտական ժառանգության ուրույն եւ չափազանց հետաքրքիր մի բնագավառն են Հայկական հարցին նվիրված նրա ուսումնասիրությունները: Մինչեւ վերջերս գիտական հանրությունը հայտնի էր միայն նրա՝ Հայկական հարցին նվիրված 1920 թ. Լոնդոնում անգլերենով հրատարակված գիրքը¹: Ավելի ուշ՝ 1990-ական թվականներին, արխիվային հայտնագործությունների շնորհիվ ի հայտ եկան նաեւ խնդրո առարկա բնագավառին նվիրված պատմաբանի մեկ տասնյակից ավելի հոդվածներ, հուշագրեր եւ պատրաստած փաստաթղթեր: Առկա ամբողջ նյութը 1996 թ. լույս տեսավ մեկ գրքով²: Անցած տարիների ընթացքում հայտնաբերվեցին նոր նյութեր, հիմնականում հուշագրեր եւ նամակներ, որոնք մեկ անգամ եւս վկայում են, թե ականավոր պատմաբանը զուտ գրասենյակային գիտնական կամ զուտ լսարանային դասախոս չէր, նա լայն առումով միաժամանակ նաեւ ազգային ու հասարակական գործիչ էր: Ադոնցը երբեք չմնաց հայ կյանքը հուզող խնդիրներին կողքից դիտողի ու դիտողություններ անողի դերում:

Ն. Ադոնցի ազգային գործունեությունը բուռն դրսևորման մի շրջան էին 1912-1913 թվականները, երբ հայ հասարակական-քաղաքական կյանքում վերստին սկսում են փափայվել Հայկական հարցի վերաբացման վերաբերյալ դադափարները: Նա ամենագործուն մասնակցություն է ունեցել այդ կապակցությամբ Ս. Պետերբուրգում կազմակերպված խորհրդակցություններին ու հանդիպումներին: Չափազանց հետաքրքիր է, որ ռուսական կառավարության հանձնարարությամբ նա ու Գրիգոր Տիգրանյանը 1912 թ. դեկտեմբերի վերջերին այցելել են Կ. Պոլիս եւ այստեղ բազմաթիվ հանդիպումներ ունեցել պոլսահայ ազգային նշանավոր գործիչների հետ:

Ստորեւ ներկայացվող նամակները վերաբերում են հենց այս իրադարձություններին: Նամակներից առաջինն ուղղված է Ամենայն Հայոց Կաթողիկոս Գեորգ Ե Սուրենյանցին, որ, ինչպես հայտնի է, կարեւորագույն դերակատարություն է ունեցել Հայկական հարցի վերաբացմանը վերաբերող եղելություններին: Երկրորդ նամակի հասցեատերը հայտնի հասարակական գործիչ, գրող եւ խմբագիր Արշակ Չոպանյանն (1872-1954) է, որ փարիզահայ միջավայրում եղել է Ամենայն Հայոց Կաթողիկոսի կոնդակով ստեղծված Ազգային պատվիրակությանն աջակցող գործունյա ղեմերից մեկը:

Հրապարակվող նամակներից ակներե է, որ Ն. Ադոնցը կարեւորագույն մասնակցություն է ունեցել 1912-1913 թթ. Հայկական հարցի շուրջ ծավալված դեպքերին, որը վկայում է նրա վաստակած հեղինակության եւ իմացական կարողությունների մասին:

Նամակները, որոնց բնագրերը գտնվում են ՀՀ Ազգային արխիվի եւ Մատենադարանի արխիվային բաժնի Ֆոնդերում, տպագրվում են անհրաժեշտ կետադրական միջամտություններով:

Պ. Տ. ՆՈՎԱԿԱՆՆԻՍՅԱՆ

1 N. Adontz, Towards the Solution of the Armenian Question, London, 1920 (երկրորդ փապգրություն՝ Եր., 2007, եռսերին թարգմանություն՝ Եր., 1984, հայերեն թարգմանություն՝ Եր., 1989):

2 Նիկողայոս Ադոնց, Հայկական հարց, կազմել, ծանոթագրել եւ ներածությունը գրել է Պ. Տ. Նովիանինյանը, Եր., 1996:

1.
Ի ԴԻԲԱՆ ՆՈՐԻՆ ՍՐԲՈՒԹԻՒՆ ԿԱԹՈՂԻԿՈՍԻՆ
ԱՄԵՆԱՅՆ ՀԱՅՈՑ

ԱՐԺԱՆԱՊԱՏԻՒ Հ[ԱՅՐ] ԴԻԲԱՆԱՊԵՏ՝,

ինչպես Ձեզ արդեն յայտնի է, մայրաքաղաքիս հայ հասարակության բանիքուն անդամների մասնակցությամբ քանի ժամանակից ի վեր առանձին խորհրդակցական գումարումներ են արել ի ունենում պարբերաբար Հայոց խնդրի առթիւ²: Անցեալները նոյն խորհրդակցությունի նախաձեռնությամբ երկու անձն ուղարկուցին Կ.Պոլիս ինչ-ինչ յանձնարարությամբ, որ եւ վերադառնալով ներկայացրին մանրամասն գեկուցումն իրենց երթի հետ կապուած խնդիրների վերաբերեալ, թէ՛ բանառք եւ թէ՛ գրառք³: Ներկայ գրութեանս հետ միաժամանակ դրկում է դիւանիդ նրանց հաշուետւոյթեան պարտէնից երկու օրինակ ի պէտս Նորին Վեհափառութեան բարձր ուշադրութեան⁴:

Այլ եւ հարկ եւ պարտք եմ համարում յայտնել Ձերդ Արժանապատւութեան, որ յիշեալ Խորհրդակցութեան կից կազմուած է փնօրէն մարմին հետեւեալ չորս անձերից՝ [Պետրական] Դումայի պարզամտութիւն Ս. Պապաջանեան⁵, Պ. Ղուկասեան⁶, Գ. Տիգրանեան⁷ եւ Ն. Ադոնց, որին եւ դիմելու է հարկաւոր դէպքում՝ անհրաժեշտ եւ գործի համար օգտակար յարաբերութիւնը պահպանելու համար:

Խնդրելով հայրութեանդ օրհնութիւնը,
մնամ խոնարհ՝
Ն. ԱՂՈՆՅ

P.S. Գրութիւններդ կարելի է ուղարկել իմ անտան՝
[Ս.Պետրքորոզի] Եկեղեցական խորհրդի
հասցեով:

[1913] 15 մարտի, Ս.Պ[ետրքորոզի]⁸:

Մաշտոցի անվ. Մարենադարանի արխիվային բաժին, Ամենայն Հայոց Կաթողիկոսի
ղիվան, ֆ. 57, ց. 2, գ. 685, թ. 46:

2.
ԱԶՆԻԻ ԲԱՐԵԿԱՄ
ՊԼԱՐՈՆԻ ԶՈՊԱՆԵԱՆ,

Այսօր⁹ հեռագրով հաղորդեցինք Ձեզ երեկուայ մեր Խորհրդակցության¹⁰ արդյունքը այն հարցի վերաբերեալ, որ յարուցել էիք վերջին գրութեամբդ: Յանկացածդ կամ առաջարկածդ մասնախումբը հայասէր ռուս գործիչներից բաղկացած, քրակալին գոյութիւն չունի եւ դժբախտաբար նոյնիսկ յայտնի չէ, թէ կը յաջողուի մօտիկ ապագայում կազմակերպել այդպիսի մի մարմին:

Առայժմ սրիպուած ենք կանգ առնել առանձին-առանձին անհատների վրայ: Մեր Խորհրդակցական ժողովի կարծիքով, քանի մի անձինք միայն կարող են յանձնարարուել վստահօրէն յիշածդ նպատակի համար՝ պ. պ. յայտնի պրոֆ. Մակսիմ Կովալենսկին¹¹, Ալեքսանդր Գուչկով¹², նախորդ Դոմայի ականաւոր պարզամտօրը եւ երբեմն նախագահը, այլն ունայէս քաջայայտ պարոն Միլիկովը¹³: Ի նկատ առնելով, որ վերջինս իբր գործիչ եւ Դոմայի անդամ ձախակողմեան հոսանքների ներկայացուցիչ է, եւ ուրեմն կառավարչական շրջանակներում եւ յարակից հասարակական ազդեցիկ խաւերում ոչ բնաւ վստահելի անձն, Խորհրդակցութիւնս նախամեծար համարեց առաջին երկու անունները եւ առաւելապէս Մակսիմ Կովալենսկին:

Պլարոնի Մ. Կովալենսկին եւս աջակողմեաններին չէ պարկանում, բայց նա իր գիտական եւ հասարակական գործունէութեամբ առանձին եւ բաւականին հեղինակաւոր դիրք է սպրդծել պայքարող կուսակցութիւններից մեկուսի եւ որոշ համբաւ ունի նաեւ արքայազն-մանուկ, մասնաւորապէս այն մարդկանց շրջանում, որոնցից մեր ենթադրութեամբ պիտի կազմուի Լոնդոն գումարելի ժողովը¹⁴: Ահա՛ այս նկատմամբ ժողովս միաձայն որոշեց դիմել նորան յիշեալ խնդրով: Բայց երեսաց, որ նախօրէին մեկնել է Պարիս՝ շտապեցիք հեռագրել Ձեզ, որ պլարոնի Լորիս-Մելիքեանի¹⁵ հետ, որ նրա անձնական բարեկամութիւնն է վաշելում, յանձնառու լինիք խօսիլ պլարոնի Կովալենսկու հետ եւ յայտնել նրան մեր խնդիրը: Լիայոյս ենք, որ ամեն ճիգ գործ կը դնէք դիմումը յաջողութեամբ պսակելու:

Շար կը փափագէինք, որ չգծաւարանայիք կայանալի գումարման մասին աւելի որոշ քննդէկութիւններ յայտնել մեզ, թէ՛ ժողովի կազմի, թէ՛ մերձաւոր նպատակի եւ թէ՛ հաշուի առած ակնկալութիւնների, եթէ ոչ գործնական արդիւնքի վերաբերեալ: Մեծապէս կը խնդրէինք նաեւ պարզել մեզ մասնախմբիդ իրական առնչութիւնը կաթողիկոսական պարզամտութեան¹⁶ հետ, որպէսզի կարողանայինք վերահասու լինել, որդեօ՞ք բոլոր գրութիւններս ու յարաբերութիւններս պէտք է մասնախմբիդ ուղղել, թէ որոշ դէպքերում դիմելու նաեւ անմիջապէս պարզամտութեան նախագահին¹⁷:

Աւելորդ չենք համարում յիշել, ինչ որ արդէն գրած էինք Վսեմապարիւ փաշային ուղղած գրութեանս մէջ: Մայրաքաղաքումս քննդի են ունենում պարբերաբար խորհրդակցական նիստեր քննդիս հասարակութեան ընդիրք եւ բանիմաց անդամների մասնակցութեամբ:

Վերջերս ժողովս ընտրել է փնօրէն մարմին չորս հոգուց բաղկացած՝ պ. պ. Միքայէլ Պապա-
ջանեան - Դումայի պարգամատր, Պօղոս Ղուկասեան, Գրիգոր Տիգրանեան եւ Նիկողայոս
Ադոնց:

Յարգալից ողջոյններով ի դիմաց փնօրէն մարմնի՝
Ձերդ Ն. ԱԴՈՆՅ

Նապէ Conseil de l'Eglise Arménienne.
Կամ Գրիգոր Տիգրանեանի եւ
կամ իմ անունով:

9 ապրիլի [1913 թ.]
Ս. Պ[նփրբուրգ]
P. S. [Գրիգոր] Տիգրանեանի մասնատր հասցէն՝
Фонтанка 64.
Казанская ул.8, кв.85.

ՆՆ ԱԱ, ֆ. 282, ց. 1, գ. 6:

ԾԱՆՈԹԱԳՐՈՒԹՅՈՒՆՆԵՐ

1 Նամակն ուղղված է Մայր Աթոռի դիվանապետ Բագրատ վարդապետ Վարդապարյանին (1869-1938): Բագրատ վարդապետն ավարտել է Ս. Էջմիածնի Գեորգյան ճեմարանը և Մոսկվայի համալսարանի իրավաբանական ֆակուլտետը: 1912-1916 թվականներին եղել է Գեորգյան ճեմարանի տնօրեն, Մայր Աթոռի դիվանապետ, Վանական խորհրդի անդամ: Տարբեր տարիներ զբաղեցրել է Նոյ-իրանական, Շամախու և Ասպրախանի թեմական առաջնորդի պաշտոնները:

2 Ամենայն հայոց Կաթողիկոս Գեորգ Ե-ն իր գահակալությունից անմիջապես հետո դիմել է ռուսական կառավարությանը (2 հոկտեմբերի, 1912) և անձամբ Նիկոլայ II-ին (24 դեկտեմբերի, 1912) հայկական հարցը վերաբացելու խնդրանքով: Ստանալով ռուսական կառավարության դրական վերաբերմունքը՝ կայսրության տարբեր հայաշատ կենտրոններում, այդ թվում և Ս. Պետրբուրգում, ստեղծվել են հայկական հարցի արծարծմանը աջակցող կոմիտեներ: Այսպես խոսքը վերաբերում է 1912 թ. նոյեմբերի կեսերին Ս. Պետրբուրգի հայկական խմբակի նախաձեռնությամբ հրավիրված խորհրդակցությանը:

3 Ակնարկը վերաբերում է Գրիգոր Տիգրանյանի և Նիկողայոս Ադունցի ուղևորությանը (դեկտեմբեր 1912 - հունվար 1913) Կ.Պոլիս (այդ ուղևորության մանրամասների և ձևեր բերած արդյունքների մասին տե՛ս Ն. Ադունց, հայկական հարց, կազմել, ծանոթագրել և ներածությունը գրել է Պ. Ն. Հովհաննիսյանը, Եր., 1996, էջ 25-49):

4 Այդ փաստաթուղթը, որ հայտնի է «հայկական հարցի շուրջ թուրք-թուրքիայում. հաշվետվություն Ս. Պետրբուրգի հայկական խմբակի կողմից նրա երկու գործուղված անդամների Կոստանդնուպոլիս կատարած ուղևորության մասին» վերաբառությամբ, այժմ պահվում է Մաշտոցի անվ. Մարենադարանի արխիվային բաժնում (տե՛ս Կաթողիկոսական դիվան, թղթապանակ № 238, վավերագիր 95, թ. 1-17):

5 Միքայել Հովհաննեսի Պապաջանյան (1868-1929), Ռուսաստանի IV Պերական դումայի (1912-1917), Անդրկովկասյան հարուկ կոմիտեի (1917) և հայոց Ազգային պարլիամենտի (1919-1922) անդամ:

6 Պողոս (Պավել) Հովսեփի Ղուկասյան (1860- ?), նավթարդյունաբերող, «Բաքվի նավթարդյունաբերողների համագումարի» նախագահ, Ռուսաստանի պետական խորհրդի անդամ (1906-1917), ազգային բարերար:

7 Գրիգոր Թադևոսի Տիգրանյան (1859-1930), հասարակական-մշակութային գործիչ, Ս. Պետրբուրգի հայկական խմբակի ղեկավարներից:

8 Ինչպես ցուցում է Մայր Աթոռի դիվանապետ Բագրատ վրդ. Վարդապարյանի մակագրությունը, սույն նամակը ստացվել է 1913 թ. մարտի 22-ին:

9 Այսինքն՝ 1913 թ. ապրիլի 9-ին:

10 Նկարի ունի Ս. Պետրբուրգի հայկական խմբակի նախաձեռնությամբ ստեղծված հայկական հարցի վերաբացմանը աջակցող խորհրդակցական ժողովը:

11 Մաքսիմ Կովալևսկի (1851-1916), ռուս նշանավոր պատմաբան, ազգագրագետ, սոցիոլոգ: Ռուսաստանի I Պերական դումայի (1906-1907) և Պերական խորհրդի (1907) անդամ, Սահմանդիր-միապետական կուսակցության հիմնողի և նախագահ:

12 Ալեքսանդր Գուչկով (1862-1936), Ռուսաստանի III Պերական դումայի

նախագահ (1907-1912), Օկյոյաբրիսյանների կուսակցության պարագլուխ, Ժամանակավոր կառավարության ռազմա-ծովային ուժերի նախարար (1917):

13 Պավել Միլյուկով (1859-1943), պարմաբան, հրապարակախոս, Կադերական կուսակցության նախագահ, Ժամանակավոր կառավարության արտաքին գործերի նախարար (1917 թ. մարտ-մայիս):

14 1913 թ. երկրորդ կեսին նախապեսված էր Լոնդոնում հրավիրել Երոպայի հայասեր գործիչների կոնֆերանս՝ նվիրված Նայկական հարցին:

15 Խոսքը բժիշկ Նովիաննես Լորիս-Մելիքյանի մասին է : Ավարպել է Փարիզի համալսարանի բժշկական ֆակուլտետը: Եղել է ՏՏ Դաշնակցության հիմնադիրներից, աշխարակցել է «Դեռակ» հանդեսին: Երոպական երկրներում զբաղվել է Նայ դարի քարոզչությամբ, հիմնադրել և խմբագրել է «Pro Armenia» ֆրանսերեն պարբերաթերթը:

16 Ակնարկը վերաբերում է Ամենայն Տայոց Կաթողիկոս Գևորգ Ե Սուրենյանցի 1912 թ. դեկտեմբերի 1-ի կոնդակով Նայ դարի պաշտպանության համար Երոպայում սրելոված պարգամավորությանը, որի կազմում ընդգրկված էին Պողոս Նուպար փաշան, Նակոբ Արթին փաշան, Գևորգ արքեպ. Ութունյանը, Մինաս Չերազն ու Նարություն Մոսրիջյանը:

17 Այսինքն՝ Պողոս Նուպար փաշային: